

曝書亭全集

冊五

曝書亭集卷第二十三

秀水 朱彝尊 錫鬯

古今詩二十二

屠維赤奮若

寄查山張上舍二首

昔訪查山麓梅花香滿頭
筠車三日坐日日醉層樓
八載負前諾今年春可游
老夫無那嬾風雨返孤舟

傳說幽栖好經營與舊殊
立碑先墓側注水小山嵎
路近通香海帆輕截太湖
不知熨斗柄更插幾千株

送施生重游武夷三首

止止菴深舊下帷
焙茶擣紙遠如期
春山一路無啼鳥
澗水聲中到武夷

度嶺虹橋架壑舟
無妨仙侶暇重游
修琴載酒途非遠
誰道山中不

可留

隱屏峯後石蒼黔百丈傳聞挂水簾好事畊漁曾不到圖經藉爾後

游添

吳人徐達左洪武中游武夷繪九曲之勝不及水簾洞畊漁子達左自號也

雨

曉雨仍鳴瓦春陰未浴蠶乍看抽菜甲翻覺斂花蒼窮鳥窺檐入枯魚得米泔此離愁雁戶泥滑市西南

卽事二首

并序

入春菽麥未熟饑民載塗告于太守諗諸比鄰各率私錢爲粥以食餓者日萬餘人俄而謗書滿紙無由自白乃有落瓜里民就食經月以農務告歸持瓣香踵門稱謝紀之以詩

惻隱人心共何期物論殊螳蜋齊挾斧意茲乃成珠捷捷謀宵雅申申詈左徒角張逢五六作事哂今吾

世事翻成覆人言僞亂真不圖落瓜里乃有翳桑人布穀迎新雨收

蠶及暮春要知升斗水人足潤頰鱗

野老

學易村夫子勞勞方寸心卜錢求漢鑄新得火珠林

東友人

吾圖吾書筦鑰則無與子忘形點勘墨朱期我故人無失其故乾餿
以愆將子無怒勿躬勿親聆我詆謔人或迂汝胡詛我爲子毋居居
子毋究究雖有新知人惟求舊

爾雅注毛傳居居懷惡不相親比
之貌孫炎曰究究窮極人之惡

三月十日

詔下

青宮再建喜而賦詩

震驚由地奮異命自天申復覩重光日毋煩四老人堂懸銀榜舊筦
出紵衣新婉遠青雲路難揚蹈舞塵

四月八日效長慶體

今年孟夏行冬令夜尙南風曉北風露頂劇憐黃面佛披裘仍作鹿
皮翁榆錢柳絮愁飄損且喜餘花婪尾紅

題曹通政寅思仲軒詩卷

蕪城鮑明遠古調李騫期眷念同懷子因題思仲詩春塘宜入夢柔

木易生枝更放過牆竹濃陰使院垂公第居此植杜仲一本于庭故以名軒

爲殷秀才譽慶題梅孝廉庚春雨幽居圖

飛梁苔滑滑平楚風修修如何仙源水不有桃花流

題程上舍鳴寒梅霽雪圖

自寫苔枝竹外雪晴半樹梅花此地不攜小酌明朝風起如何

真州客舍對雨

夏日北風起殷雷聞再三黑雲奔萬馬俄頃徧天南驟雨散銀竹垂
龍回碧潭何來雙白鳥猶自舞毵毵

魏諭德學誠調鶴圖

蔚州才子嗣清塵藻鑒持衡識曲真畫裏歸裝無長物一雙舞鶴比
長人

項叟小像

花開一百五日月明二十四橋君家大好山水偏愛蒲團寂寥

五月晦曹通政

寅

招同李大理

煦

李都運

斯佳

納涼天池水

榭卽席送大理還蘇州

天池南有樓天池北有樓納言北樓下招我池上游軒牕拓四面地
潔無癥疣解衣挂短桁舍坐臨清流綠楊萬千絲花鴨六七頭徐聞
水車響少侍魚罾收須臾二李至各各情綢繆小胥搖大扇四座風
修修蘭肴屏肥膩苦露獲所求古來避暑飲豈必量觥籌東園久不
雨老樹焦煙浮青蟲高下墮吐絲若綴旒斯時墨雲升或躍在淵蚪
因之鳴埵鸛且免喘吳牛有渰雖不作氣已如涼秋大理起避席疊
櫂還武丘主人不忍別小舫尾中洲峭帆十八幅破浪同飛鯨榜人

有常程歧路難久留分手文山祠日暝回孤舟

守風瓜步示沈秀才

翼二首

連檣水沉鐵鹿四面風吹石尤東澤曾留綺語請看月上瓜洲
朝霞欲雨不雨歸路愁水愁風長江廣輪尋尺此事何關釣翁

丹陽道中

丹陽三里城兩槳一舟行雞犬家家靜菰蒲岸岸生過橋斜照斂出
郭小車鳴不比瓜洲渡波潮信宿驚

載

化益作將軍百蟲各率職周官去蠹覬庶蠱攻必力苟或害田功惡
其傷稼穡食苗心曰螟食苗葉曰貳食苗根曰蠹食苗節曰蠶秉畀
炎火焚田祖首罰殛嗟載本末微坏戶易潛匿花兒匠太慵埽除失
記憶主人五畝園曝書亭在北樹之桃李梅三面少柴棘履道坦且
幽穿徑曲而仄薰風來自南綠陰淨如拭覘睨黃鳥音續翻翠禽翼

藻景愛靜觀悠然意猶得不意蟄者蘇鬬生累千箇縹碧黃朱斑文
采假緣飾依倚族類繁黨附蛄蜺螻誦詩三百人其名或未識上樹
少卻行緣裳無懼色一毛散空際中者立受厄小兒女至頑敢怒不
敢卽傳聞官蝦蟆噓氣出胸臆之蟲在林梢蠢動自顛踣又聞小花
鷹飛掠來海國慣伺之蟲嘗不避弋人弋二者均莫致俾爾橫暴極
桑柘以飮蠶村姑有定則賦茅自狙公朝暮稟部勒豈若是物貪葉
葉乃盡蝕有若人禿鬣又如鳥希革歧枝結勞絲遺矢顧深墨大哉
造化工生物固不測巨或肆饕餮小亦具凶德荀卿原性惡斯言信
剛直歲序迭環周時運互通塞商飆一以涼流毒自然息

贈吳下張生

星

一道蓮涇直到門粥魚茶版共晨昏郎官石柱書無敵甘白先生里
尙存五載匡廬曾結社全家疊壤近成村看君用筆形交讓足比西
京繆篆痕

構李

佳果先秋熟來禽也不如瑤光珠斗散青簡素王書瘦地翻宜嫁柔
條亦易舒最防黃霧塞務使綠陰疎暑暍漿偏潤風吹粉未除豐肌
須小摘纖核乃中虛銷夏吾鄉好分甘佛寺初曾留西子搯當食轉
憐渠

查編修第

詞璫

家上舍

思贊

書來許以七夕見過愆期不至

漫賦

星期逾七夕露坐判三更河漢夜無影梧桐秋有聲愁嫌樺燭短涼
覺苧衣輕可是烏巾酒連船載不成

蟋蟀二首

暑退陰蟲健無端處處吟起看河射角坐久院橫參易入羈人耳潛
驚嬾婦心物微甘在野何用苦追尋

已被村童拾寧容古礎藏呈能矜小勇作氣恃方剛寸草心挑戰千

錢注看場冷盆宮樣巧制器自宣皇

送徐甥焯之豫章三首

涪翁詩派授諸甥中有師川調更清我亦南州矜宅相雁池賦雪早

知名

西江詩派山谷甥居其四

繡鴨灘頭水滿磯豫章西去一帆飛心傷慈母停鍼綫臨發誰縫九

月衣

南浦停舟霧雨迷登臨兩度倦留題風流輸爾秋屏閣簾幙看山盡

捲西

社日送燕和查編修嗣璫

好去炎州燕高秋別翠櫺舊巢非不戀社鼓最愁聽寄訊誰書札翻
飛幾驛亭自今諸怯薛恣放海東青

村夜

山昏月未明木落霜初降何處夜歸人一犬吠深巷

顧孝廉

嗣立

過訪村居卽席懷汪

泰來

郭元鈞

二徵士二首

鑑曲歸狂客高陽命酒徒披絲黃雀膩入手紫螯麕道遠資雙屐

孝廉

將逾庾嶺

宵長判百觚新詩喜同調端可傲江河

歎郡汪文學江都郭秀才圭璋宜特達時命乃遭迴喪子憐東野留
賓少上合合并愁未得與子且銜杯

曝書亭集卷第二十三

曝書亭集卷第二十四

秀水 朱彝尊 錫鬯

詞一

江湖載酒集 上

霜天曉角 早秋放鶴洲池上作

青桐垂乳容易凝珠露一縷金風飄落添幾點豆花雨
簾戶翦燈
語草蟲飛不去坐愛水亭香氣是藕葉最多處

高陽臺 并序

吳江葉元禮少日過流虹橋有女子在樓上見而慕之竟至病死氣
方絕適元禮復過其門女之母以女臨終之言告葉葉入哭女目始
瞑友人爲作傳余記以詞

橋影流虹湖光映雪翠簾不卷春深一寸橫波斷腸人在樓陰游絲
不繫羊車住倩何人傳語青禽最難禁倚徧雕闌夢徧羅衾 重來

已是朝雲散，悵明珠佩冷。紫玉煙沈，前度桃花依然開滿。江潯鍾情，怕到相思路，盼長隄草盡，紅心動愁吟碧落。黃泉兩處誰尋。

柳梢青

和沈山子西湖後游之作

障羞羅扇，花時猶記者，邊曾見。曲录闌干，玲瓏牕戶，也都尋徧。兩峯依舊青青，但不比眉梢平遠。第一難忘，重來崔護，去年人面。

原作

嘉興沈進山子

十二重樓，是誰珠箔雙掩。銀鈎桃葉春潮，楊花暮雨，一段閒愁。

飛來沙際，輕鷗芳草外，春風舊游。團扇歌殘，羅衣試罷，人上蘭舟。

清平樂

秋夜宿燈公山房

秋林風絳，鍾乳霜初降。應有愁猿來聽講。吠犬寥寥深巷。明星無數。茅檐披衣轉覺寒添。不是山中無酒，何妨一醉陶潛。

憶王孫

黃蘆紅蓼白蘋洲。一水東西南北流。舊日秋孃尙在不。石橋頭。柳外

斜陽花外樓

又 夜泛鑑湖

天邊新月兩頭纖
鏡裏晴山萬點尖
小櫂烏篷不用簾
夜厭厭漸覺微風衣上添

生查子

雙眉澹遠山一髻
簪寒玉鉛粉幾曾施
最好新妝束江月去茫茫
不照春船宿空有酒如泉
難聽琵琶曲

醉太平

題姜開先贈歌者李郎秦樓月詞

支郎眼黃何郎粉
香尊前一曲迴腸愛秦樓月涼
公羊穀梁鄭清送

新薑詩公羊穀梁並出一人之手
其姓則姜蓋四字反切皆姜字
鄱陽括蒼詞人試數諸姜算堯章

擅場梅山姜特立括蒼人

附原作秦樓月詞

會稽姜啟

天下李一般
柯葉分仙李分仙
李東西南祖故家苗裔
漢時有

个延年李唐時有个龜年李龜年李崔九堂前岐王宅裏

女冠子

鶯篁軟語小店槐陰無暑索寒漿一笑千金值雙蛾半額長 愛他
黃竹子織就女兒箱那得銀釭下卷衣裳

望湘人

愛蘭風兩岸梅月半牆浣紗溪上曾住步障教移燭花漸地依約斜
窺簾戶虎僕毫尖麋丸墨淡倩題詩句記恁時卓女含情比我相如
詞賦 愁思孤帆朝暮奈雙魚消息未傳幽素到香徑重尋祇有碧
桃千樹晚絲撲柳晴絲卷燕儘自飛來飛去渾不見人面重門虛憶
畫中眉嫵

思越人

小門關深徑轉昔年曾醉秦樓笑撚畫裙青案底教擡纖手藏鈎
臨行指我相尋路鏡湖一曲西去繞遍湖塘烏柏樹知他門掩何處

探春令

萼萼夜火那年屋角伴人驚走對銀灣脈脈含情久不道是相逢驟
露華如雨凝高柳滴單衣涼透到歸來始悔輕分手已許我攜羅
袖

桂殿秋

思往事渡江干青蛾低映越山看共眠一舸聽秋雨小簾輕衾各自
寒

更漏子

吳江秋泛

檣頭船菱葉港十里冷楓門巷江入測柳千條赤闌第四橋 黃鱸
香聽鴨語莫恨舟師催去空翠淡夕陽孤飛帆度石湖

采桑子

梧宮詠古

何年越客千絲網網住西施看殺吳兒貯館娃宮得幾時 離筵白
紵歌纔罷拋了西施遠去黃池冷笑夫夫真箇癡

滿江紅

金山寺

巨石孤根作

去聲

弄出寒潮鳴咽映焦山遠樹蒜山晴雪水晶中冷誰

載取鐘聲兩岸何曾歇試層層路轉妙高臺簾齊揭

哀笛響風鳴

葉樓船靜沙沉鐵望揚州一片海雲明滅浪裏江豚空自舞天邊塞
鴈飛相接把題詩張祜問山僧猶能說

又 吳大帝廟

玉座苔衣拜遺像紫髯如乍想當日周郎陸弟一時聲價乞食肯從
張子布舉杯但屬甘興霸看尋常談笑敵曹劉分區夏 南北限長
江跨樓櫓動降旗詐歎六朝割據後來誰亞原廟尙存龍虎地春秋
未輟雞豚社剩山圍衰草女牆空寒潮打

風蝶令

石城懷古

青蓋三杯酒黃旗一片帆空餘神識斷碑鑱借問橫江鐵鎖是誰監
花雨高臺冷臙脂辱井絨夕陽留與蔣山銜猶戀風香閣畔舊松